

quod non in X^a IIII^a 1) die ad vesperum, ut lex praecipit, ille 'agnus 2) Dei, qui tollit peccata mundi', et 'pascha 3) nostrum immolatus est Christus', sed X^a V^a 1) die, in quo manifestum est diem festum Iudeorum cum suo sacrificio a Domino solutum. Sed quid in hoc intelligere debemus, quod prius figuralis agni 4) carnis 5) comedere et postea sui corporis cibus 6) apostolos refecit, et post Iudeorum typicum nostrum pascha immolatus est Christus? Hoc, ut opinor, non ut veritas figuram, sed figura veritatem praecedat, quia non prius quod spiritale, sed quod animale, deinde quod spiritale. Unde electa et amica sponsa Christi universalis ecclesia anathematizat eos, quia cum Iudeis in festivitate paschali X^{am} IIII^{am} 7) lunam expectari diffiniunt et sabbata et cetera huiusmodi umbralis observantiae. Et hoc tantum observare dignatus est Dominus, ut in primo mense post X^{am} IIII^{am} 7) diem paschalem festivitatem, procedentem una sabbatorum, celebrari sine ambiguitate censuerit, licet in hoc varietas ecclesiae orta est, aliis sufficere credentibus, ut non in X^a IIII^a 1) cum Iudeis pascha celebrarent, alii autem hoc fortiter cautēque custodiunt, ut immolationem veri 'agni 2) Dei, qui tollit peccatum mundi', ante X^{am} IIII^{am} celebrare non audeant, secundum illud legale praeceptum, quod Dominus ad passionem veniens minime contempsit, sed ait: Observabitis eum usque ad X^{am} IIII^{am} 7) lunam, quod 8) nunc maxime ecclesia, auctoritatem sedis Romanae 9) sequens, observat. Sed haec deserentes, quia non est huius temporis per singula discuti, ad spiritalem intelligenciam mentis aciem convertamus, quibus praecipitur mense novorum X^a IIII^a die mensis paschalis agni carnes comedere, ut, novis nascentibus bonorum operum fructibus, cum decalogi a nobis verba completa fuerint, in euangelii perfectione quaternario numero consistentes carnes nostri agni in vespere mundi, in quo finis saeculorum pervenit, intenebratis cordibus, Spiritu sancto noctem illuminante, comedamus.

Sex diebus operari praecipimur, in septimo autem, hoc est sabbato, ab omni opere servili prohibemur. Per senarium autem numerum perfectio operum designatur, quia sex diebus fecit Deus caelum et terram. In sabbato autem omne opus servile, hoc est peccatum, operari prohibemur, quia qui facit peccatum, servus est peccati, ut, cum in praesenti saeculo perfectionem operum compleverimus, non obdurantes corda nostra, in veram requiem, quae contumacibus denegata est, pervenire mereamur.

1) 'decima' add. cod. 2) Ioann. 1, 29. 3) I. Cor. 5, 7. 4) 'agn⁹' corr. 'agni' cod. 5) 'carnis' corr. 'carnes' cod. 6) 'cibos' cod. 7) 'decimam' add. 8) 'quod' corr. 'quam' cod. 9) Expunct. et superscr. 'apostolice' cod.